



REPUBLIKA E SHQIPËRISË

**UNIVERSITETI “ISMAIL QEMALI” VLORE
FAKULTETI I SHKENCAVE TEKNIKE
DEPARTAMENTI I KIMISË**

**RREGULLORE E PROGRAMIT TË CIKLIT TË PARË TË STUDIMIT
“BACHELOR në KIMI”**

Miratoi

**Përgjegjës i Departamentit të Kimisë
Prof. As. Flora QARRI**

Dhjetor 2019

PËRMBAJTJA

KREU I: DISPOZITA TË PËRGJITHSHME

Neni 1: Baza ligjore

Neni 2: Misioni i programit të studimit Bcs në Kimi

Neni 3: Objektivat formuese të programit të studimit Bcs në Kimi

KREU II: ORGANIZIMI I PROGRAMIT TË STUDIMIT

Neni 4: Programi i studimit

Neni 5: Pranimi i studentëve në Programin e Ciklit të Parë të studimeve Bachelor në Kimi

Neni 6: Ndërprerja e studimeve

Neni 7: Transferimi i studimeve, njohja e krediteve dhe ekuivalentimi i lëndëve

KREU III: RREGULLAT E NDJEKJES NE PROGRAMIN E STUDIMIT DHE PROCEDURAT E DIPLOMIMIT

Neni 8: Frekuentimi dhe shlyerja e detyrimeve të lëndëve

Neni 9: Rregullat e zhvillimit të provimeve dhe vlerësimi i lëndës

Neni 10: Sistemi i vlerësimit

Neni 11: Administrimi i dokumentacionit të provimeve

Neni 12: Ankimi për rezultatin përfundimtar

Neni 13: Përmirësimi i notës

Neni 14: Diplomimi

Neni 15: Procedura e provimit të diplomës

Neni 16: Mbrojtja e diplomës me Temë

Neni 17: Pajisja me diplomë

Neni 18: Tërheqja e diplomës

KREU IV: TE DREJTAT DHE DETYRIMET E STUDENTEVE

Neni 19: Te drejtat e studenteve

Neni 20: Detyrimet e studentëve

Neni 21: Përgjegjësi të tjera të studentëve

Neni 22: Masat disiplinore për studentët

KREU V: KOMUNIKIMI

Neni 23: Rregullat e sjelljes akademike

Neni 24: Normat etike gjatë komunikimit Personel Akademik – Student

Neni 25: Çështje akademike

Neni 26: Çështje jo akademike

KREU VI: DISPOZITA KALIMTARE DHE TË FUNDIT

Neni 27: Rishikimi dhe përditësimi

KREU VII: SHTOJCA E RREGULLORES

KREU I DISPOZITA TË PËRGJITHSHME

Neni 1 Baza ligjore

Kjo rregullore bazohet në Ligjin Nr. 80/2015 “Per Arsimin e Larte dhe Kërkimin Shkencor në Institucionet e Arsimit të Lartë në Republikën e Shqipërisë”, Udhëzimin e MASR, për çeljen e Programeve të Studimit, Statutit (2019) dhe Rregullores (2014) të Universitetit “Ismail Qemali“ të Vlorës.

Neni 2 Misioni i programit të studimit Bcs në Kimi

Programi Bachelor ka mision të përgatisë studentët me njohuri të përgjithshme dhe specifike në disiplina kimike bazë si Kimia e Përgjithshme e Inorganike, Kimia Organike, Kimia Fizike dhe Koloidale, Kimia Analitike të cilat do të shërbejnë për të formuar një kulturë të përgjithshme dhe profesionale në drejtim të laboratorit të analizës kimike organike e inorganike.

Misioni mësimdhënës dhe shkencor i programit të studimit Bachelor në Kimi, përmblihet në këto drejtime kryesore:

1. Përgatitja e kimistëve të aftë për drejtimin e proceseve kimikë në industrinë kimike, si edhe për laboratorët e industrisë kimike, laboratorët mjekësorë, laboratorët e kimisë së mjedisit, etj.
2. Krijimi i një baze të mirë për formimin e studentëve si kimistë, si kërkues si dhe për studime më të thelluara në ciklet pasardhëse të studimit.

Neni 3 Objektivat formuese të programit të studimit Bcs në Kimi

Programi Bachelor në Kimi synon që:

1. studentët të kenë plotësuar profilin kulturor me njohuri të përgjithshme në fushën e kimisë inorganike, analitike, organike, kimisë fizike, strukturës së lëndës dhe metodave instrumentale të analizës.
2. studentët të fitojnë një sërë njohurish praktike nëpërmjet seancave laboratorike
3. studentët të përfitojnë njohuri mbi përpunimin e informacionit, shkrimin akademik si dhe aftësi të prezantimit të dijeve të tyre në publik
4. studentët të jenë të aftë të përzgjedhin, përpunojnë dhe analizojnë mostra të ndryshme dhe komplekse me origjinë organike dhe inorganike

5. studentët të jenë të aftë të përdorin mjete dhe aparatura bazë të një laboratorit kimik
6. studentët të përgatiten si specialistë kimistë, të aftë profesionalisht që t'i përgjigjen nivelit bashkëkohor të zhvillimit.
7. studentët të aftësohen për t'u përballur me tregun aktual të punës në vend, si të punësuar: pranë laboratoreve të analizës kimike, pranë laboratoreve të kërkimit kimik, pranë laboratoreve të doganave e kompanive prodhuese në vend, në linjat prodhuese të industrisë kimike, në linjat prodhuese të ndërmarrjeve ushqimore, pranë drejtorisë së akreditimit të laboratoreve, si specialistë në qendra rajonale kombëtare të mjedisit, etj

KREU II

ORGANIZIMI I PROGRAMIT TË STUDIMIT

Neni 4

Programi i studimit

Programi i studimit Bachelor në “Kimi” siguron Diplomë Universitare Bachelor në Kimi. Ky program organizohet dhe shprehet përmes grumbullimit të krediteve sipas Sistemit European të Transferimit të Krediteve (ECTS). Për të fituar këtë diplomë nevojiten 180 kredite (ECTS). 60 kredite (ECTS) përfaqësojnë ngarkesën e punës së një viti akademik studimesh.

1. Viti akademik është njësia kohore bazë e studimeve. Një vit akademik përbëhet nga 2 semestra dhe shtrihet në intervalin nga 30 deri 40 javë mësimore, sipas udhëzimeve MASR (30 javë mësim dhe 6-8 javë provime dhe provim formimi / mbrojtje teze diplome). Fillimi dhe përfundimi i vitit akademik përcaktohet me Udhëzim të MASR në çdo fillim viti akademik.
2. Çdo semestër zgjat 15 javë për mësim dhe mesatarisht 3-4 javë për provime. Organizimi i vitit akademik, datat e fillimit të semestrave dhe sezoni i provimeve, shpallen nga rektori në fillim të viti akademik.
3. Me fillimin e vitit akademik, Departamenti shpall orarin mësimor: ditën, orën, sallën dhe personelin akademik përkatës, për semestrin përkatës.
4. Në fillim të çdo viti akademik, mbështetur në kurrikulat e programeve të studimit, departamenti përcjell për miratim planin mësimor tek Dekani i Fakultetit dhe Rektori. Për çdo kurs hartohen programet mësimore (syllabus).
5. Moduli themelor i studimit është lënda semestrale me kredite (ECTS) të bashkangjitura në planin mësimor të miratuar të programit të studimit.
6. Numri i caktuar i kredive fitohet pas përfundimit me sukses të disiplinës, siç është përshkruar në këtë Rregullore dhe në Rregulloren e Brendshme të Universitetit.
7. Vlerësimi i studentëve bëhet nga personeli akademik përkatës që zhvillon disiplinat mësimore, i cili organizon sipas gjykimit të tij kontrole me gojë, me shkrim, ose i kombinuar me shkrim dhe me gojë, detyra të pavarura, detyra kursi etj. Në përputhje

me mënyrat e vlerësimit të përcaktuara në këtë Rregullore dhe në Rregulloren e Brendshme të Universitetit.

8. Studenti përfundon studimet në këtë program studimi dhe merr diplomë kur ka likujduar me sukses gjithë disipinat mësimore të parashikuara në planin mësimor përkatës, ka mbrojtur me sukses tezën e diplomës/provimin e formimit, kjo në varësi të notës mesatare që arrin studentit gjatë tre viteve të studimit, dhe ka fituar 180 kredite (ECTS). Këto dy forma vlerësimi përmbajnë tematika të lëndëve të drejtimit që ka ndjekur në program, me qëllim krijimin dhe vlerësimin e dijeve të fituara në disiplina të ndryshme.
 - Tematika e temës së diplomës: Teza e diplomës mund të jetë bibliografike, kërkimore apo dhe kombinim i të dyjave për çështje që lidhen me disipinat mësimore të planit mësimor të programit të studimit në Kimi. Një student mund të propozojë vetë një temë diplome dhe ta hartojë atë me kushtin që të marrë miratimin e pedagogut udhëheqës. Teza e diplomës duhet të jetë personale. Miratimi i udhëheqësit të diplomës dhe fushës së studimit bëhet në departament me propozim të udhëheqësit, pasi ky i fundit ka diskutuar dhe dakortësuar me studentin.
 - Forma dhe volumi i tezës së diplomës: Punimi i diplomës për ciklin e parë të studimit Bachelor në Kimi duhet të ketë një numër faqesh jo më pak se 30 faqe dhe jo më shumë se 50 faqe. Kriteret e punimit të temës së diplomës dhe formati i saj duhet të jetë konform Vendimit të Këshillit të Fakultetit me Nr. 190 Prot datë 02.07.2014.
 - Diagrama kohore: Studentit që i lind e drejta për tu diplomuar, në fillim të semestrit përkatës, por jo më vonë se java e dytë, aplikon në sekretari për temë diplome duke plotësuar një formular ku propozon udhëheqësin e temës së diplomës. Ky i fundit miratohet nga drejtuesi i departamentit jo më vonë se java e katërt. Udhëheqësi i diplomës dorëzon një deklaratë ku të dy palët (udhëheqësi dhe studentit) kanë rënë dakort për të punuar së bashku mbi fushën e studimit të përzgjedhur, jo më vonë se java e tretë e semestrit. Afati i dorëzimit të punimit të temës së diplomës është një javë para datës së provimit të diplomës.
 - Detyrime të pedagogut udhëheqës:
Orientime dhe takime këshilluese në periudha të rregullta kohore me studentët.
T'u ofrojë studentëve udhëzime për shkrimin dhe mbrojtjen e temës si dhe për vlerësimin e saj.
 - Vlerësimi
Tema e diplomës vlerësohet me sistemin prej dhjetë notash përpara një komisioni të ngritur në Departament.

Kohëzgjatja maksimale e studimeve nuk mund të jetë më shumë se dyfishi i kohëzgjatjes normale të studimit që parashikon programi, pa marrë në konsideratë periudhën kur student i ka pezulluar studimet. Studenti mund të përfundojë studimet e plota dhe të mbrojë diplomën, brenda afatit të rregullt të studimeve ose tej kufirit që parashikon ky afat, por duke iu nënshtruar detyrimeve që lindin nga kohëzgjatja e studimeve përtej kohës normale.

9. Në fillim të çdo viti akademik, mbështetur në planet mësimore të miratuara për vitin akademik për çdo program studimi, bazuar në burimet njerëzore të brendshme dhe të jashtme që ofron departamenti/fakulteti/universiteti dhe në varësi të kushteve të tjera, departamentet hartojnë planin mësimor të sugjeruar të vitit akademik, i cili miratohet nga Dekani i Fakultetit
10. Kohëzgjatja e orës së mësimit është 50 minuta.

Neni 5

Pranimi i studentëve në Programin e Ciklit të Parë të studimeve Bachelor në “Kimi”

Pranimi i studentëve në Programin e Ciklit të Parë të studimeve Bachelor në “Kimi”, në Universitetin “Ismail Qemali” Vlore, realizohet bazuar në nenin 74, të Ligjit Nr. 80/2015, “Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”, në udhëzimet e përvitshme të Ministrisë së Arsimit Sportit dhe Rinisë, në vetë kriteret e parashikuara në nenin 39 të rregullores së UV si dhe në kriteret e propozuara nga njësitë bazë dhe të miratuara nga SA i Universitetit të Vlorës.

Neni 6

Ndërprerja e studimeve

Studenti mund të ndërpresë studimet në çdo kohë të vitit, për një afat jo më tepër se një vit dhe vetëm për këto raste:

- a) Kur sëmuret për periudha të gjata, të dokumentuara me raport nga komisioni mjekoligjor, ku të jenë shprehur qartë diagnoza e rekomandimi (jo nga mjeku i familjes).
- b) Kur mbetet kryefamiljar, në raste fatkeqësish e në kushte ekonomike të vështira, të dokumentuara nga zyrat përkatëse.

Në çdo rast dokumentat duhet të paraqiten përpara se të ndërpresë studimet, të shoqëruara me një kërkesë drejtuar Rektoratit.

Studentët të cilët ndërpresin studimet për dy ose më shumë semestra radhë dhe nuk kanë marrë lejen nga rektori për këtë ndërprerje duhet të aplikojnë përsëri për ripranim në universitet mbështetur në rregulloren e Universitetit “Ismail Qemali” Vlorë.

Ndërprerja e studimeve, me miratimin e organit përkatës, quhet e justifikuar dhe nuk llogaritet në vitet e përsëritura.

Çdo ndërprerje e pajustificuar dhe e pa merituar është e barasvlerëshme me mosparaqitjen në procesin mësimor dhe viti konsiderohet si vit përsëritje.

Neni 7

Transferimi i studimeve, njohja e krediteve dhe ekuivalentimi i lëndëve

Është e mundur njohja e plotë dhe e pjesshme e krediteve të studentëve që vijnë me transferim nga programe të tjera studimi brenda ose dhe jashtë universitetit. Pranë Departamentit ngrihet Komisioni i Njohjes dhe Ekuivalentimit të lëndëve, i cili vlerëson dokumentacionin e studentit të përcjellë nga Sekretaria Mësimore dhe bën njohjen e krediteve përkatëse për disiplinat mësimore të likujduara. Modalitetet dhe procedurat për transferimin e studentëve janë të përcaktuara në Kreun VI të Rregullores së Brendshme të Universitetit.

KREU III

RREGULLAT E NDJEKJES NE PROGRAMIN E STUDIMIT DHE PROCEDURAT E DIPLOMIMIT

Neni 8

Frekuentimi dhe shlyerja e detyrimeve të lëndëve

1. Frekuentimi i orëve mësimore është i detyrueshëm deri në masën 75%.
2. Numri i mungesave të lejuara përlllogaritet për gjithë semestrin përkundrejt numrit total të orëve për gjithë kursin dhe jo në bazë të orëve që i takojnë provimeve të pjesshme.
3. Çdo pedagog pajiset me regjistrin përkatës i cili përmban informacion mbi veprimtarinë e mësimdhënies dhe frekuentimit. Pedagogu përgjigjet drejtpërdrejt për saktësinë e informacionit mbi frekuentimin.
4. Studentët e ciklit të parë të studimeve regjistrohen në lëndët që ofrohen në atë sezon sipas planit mësimor të sugjeruar, në të cilat nuk është regjistruar asnjëherë më parë.
5. Nëse studenti mungon gjatë zhvillimit të kursit dhe tejkalon numrin total të mungesave të lejuara për gjithë semestrin (jo më pak se 75 % frekuentim), atëherë studenti skualifikohet për shkak të mungesave, nuk futet në provimin e radhës, në procesverbalin e vlerësimit shënohet mungesë (m) dhe përsërit kursin në semestrin e ardhshëm kur kursi ofrohet. Shënimi mungesë (m) do të pasqyrohet në procesverbalet përfundimtare nëse studenti ka plotësuar mungesat totale.
6. Nëse studenti ka frekuentuar kursin por nuk paraqitet në provimin e radhës, në procesverbalin e vlerësimit shënohet "Np - Nuk u paraqit". Nëse studenti nuk ka detyrime frekuentimi, por nuk është paraqitur në asnjë prej provimeve të pjesshme duke përfshirë dhe provimin final, në procesverbalin përfundimtar të vlerësimit do të bëhet shënimi "NP" (Nuk u paraqit), në të kundërt do të bëhet vlerësimi me notën përkatëse. Studentët nuk kanë detyrimin dhe nuk mund të regjistrohen në këto lëndë për të ndjekur kursin si përsëritës, por kanë të drejtën të shlyejnë lëndën vetëm me provim final, sipas përcaktimeve në këtë rregullore.
7. Sekretaria mësimore e Departamentit të Kimisë përgjigjet për administrimin e informacionit mbi detyrimet akademike të studentëve në këtë program studimi.

Neni 9

Rregullat e zhvillimit të provimeve dhe vlerësimi i lëndës

Bazuar në nenet 60-65 të Rregullores së Universitetit "Ismail Qemali" Vlorë.

1. Kontrolli i dijes së një lënde (provimi) përcaktohet nga titullari i lëndës dhe mund të bëhet me shkrim, me gojë ose i kombinuar me shkrim e me gojë, duke u mbështetur në programin mësimor.
2. Kontrolli i dijeve në këtë program studimi në ciklin e parë realizohet përgjatë semestrit nëpërmjet një provimi të pjesshëm, një provimi final gjithëpërfshirës si dhe formave të tjera të vlerësimit (detyrë kursi, kolekiume, vlerësim në seminare etj), nëse janë parashikuar në syllabus-in e lëndës.
3. Orari i provimeve finale duhet të shpallet para përfundimit të semestrit. Për semestrin e verës dhe sezonin e riprovimeve të dimrit kontrolli i dijeve realizohet vetëm nëpërmjet një provimi final.
4. Rregulla apo specifika të provimeve, pesha (përqindja) e secilit provim apo detyrë në vlerësimin përfundimtar, literatura, temat ose pjesët e programit të lëndës për çdo provim, dita apo java e provimit, ora dhe salla e zhvillimit, referencat e konvertimit të pikëve në notë etj., përcaktohen në syllabus-in e lëndës të hartuar nga pedagogu dhe u bëhet i ditur studentëve që ndjekin atë kurs.
5. Pesha (përqindja) e provimit të pjesshëm, të jetë nga 25-30% e vlerësimit të përgjithshëm dhe zhvillohet jo më larg se java e shtatë, ndërsa 10-15% e vlerësimit të përgjithshëm mund të bazohet në detyrat e kursit, projektet individuale, apo forma të tjera të vlerësimeve gjatë vitit, të gjitha së bashku.
6. Në rastin kur studenti nuk merr pjesë në një provim, por paraqet dokumentacion ku justifikon arsye të forta si probleme shëndetësore serioze (psh. shtrim në spital, aksident të rëndë), raste të jashtëzakonshme fatkeqësish familjare, apo raste urgjencash publike, vendimin për një mundësi tjetër për dhënien e provimit e merr Dekani i Fakultetit të Shkencave Teknike, duke u bazuar në kërkesën me shkrim të paraqitur nga studenti. Dekani ka të drejtë të kërkojë dokumentacion shtesë për të verifikuar mungesën.
7. Kurset janë të gjitha semestrare. Nëse studenti nuk kualifikohet, pra ka shënim mungesë (m) në procesverbalin përfundimtar të kursit, ai ka të drejtën dhe detyrimin ta frekuentojë përsëri atë kurs, në semestrat pasardhës kur kursi ofrohet. Nëse kursi për arsye të ndryshme nuk do të ofrohet më (p.sh për arsye të ndryshimeve në kurrikula), studenti ka të drejtë të frekuentojë atë kurs që mund të ekuivalentohet me kursin që nuk ofrohet më, ose në rast të kundërt hapet kursi që nuk ofrohet më pavarësisht numrit të studentëve, vetëm për studentët që janë brenda afatit maksimal të studimeve të tyre, në zbatim të Vendimit të Senatit Akademik Nr. 10, dt. 07.02.2019. Krahas kurseve të përcaktuara në planet semestrare, studenti ka të drejtë të frekuentojë njëkohësisht edhe kurse të tjera për të cilat ka shënimin mungesë (m) nga semestrat paraardhës, por duke respektuar rregullat e numrit të krediteve të

rregjistruara në një semestër dhe rregullat e përgjithshme të regjistrimit, sipas nenit 77 të Rregullores së Universitetit "Ismail Qemali" Vlorë.

8. Tezat e provimit në të gjitha kontrollet hartohen nga titullari i lëndës. Kompromentimi i tezës është përgjegjësi direkte e pedagogut.
9. Pas përfundimit të çdo provimi apo formave të tjera të kontrollit të dijeve, rezultatet editohen në sistemin elektronik të Universitetit "Ismail Qemali" Vlorë, jo më vonë se 48 orë nga data e zhvillimit të tij. Nëse pedagogu zhvillon provime të njëpasnjëshme për secilën prej tyre duhet të respektohet 48 orëshi. Një ditë pas shpalljes së rezultateve, pranohen dhe vlerësohen ankesat e studentëve dhe në mbyllje të këtij procesi, printohet procesverbali nga sistemi, firmoset nga lektori dhe dorëzohet në sekretarinë mesimore. Në rast se pedagogu në mënyrë të pajustificuar, nuk ka edituar rezultatet e provimeve në sistem, konsiderohet shkelje akademike, për të cilën Drejtuesi i Departamentit dhe Dekani i Fakultetit marrin masat disiplinore. Editimi i rezultateve do të bëhet në përputhje me procedurat e përcaktuara në rregulloren e Universitetit.
10. Në raste paqartësish, studentët kanë të drejtë të shikojnë personalisht provimin në prezencë të lektorit të kursit, për të marrë sqarimet e duhura. Për sqarime të mëtejshme ata kanë të drejtë t'i drejtohen me shkrim Drejtuesit të Departamentit që mbulon kursin përkatës.
11. Kur studenti në provim vlerësohet me notën 4 (katër) ose "NP" (Nuk u paraqit), ai ka të drejtën të regjistrohet për të shlyer këtë lëndë vetëm në semestrin e verës, sezonin e riprovimeve në dimër.
12. Regjistrimi në këtë rast do të bëhet sipas rregullit të përgjithshëm të regjistrimit të përcaktuar në nenin 77 të rregullores së Univeristetit "Ismail Qemali" Vlorë.
13. Mesatarja e studentit llogaritet si mesatare e ponderuar. Shuma e prodhimit të notave përfundimtare me kreditet përkatëse të lëndës pjestohet me totalin e kredive. (Bazuar në Statutin e Universitetit "Ismail Qemali" Vlorë neni 68, miratuar nga Senati Akademik me Vendim nr.57, datë 06.09.2018, i ndryshuar me vendim Nr 75, datë 19.11.2018, vendim Nr 5 datë 04.02.2019, vendim Nr 11, datë 27.02.2019,).

Universiteti "Ismail Qemali" Vlorë, akordon për studentët në përfundim të studimeve titujt e nderit në tre nivele, në bazë të mesatares së përgjithshme të notave.

Këta tituj lëshohen së bashku me diplomën universitare të fituar nga studenti.

Neni 10

Sistemi i vlerësimit

Bazuar në Statutin e Universitetit "Ismail Qemali" Vlorë neni 68, miratuar nga Senati Akademik me Vendim nr.57, datë 06.09.2018, i ndryshuar me vendim Nr 75, datë 19.11.2018, vendim Nr 5 datë 04.02.2019, vendim Nr 11, datë 27.02.2019, Rregullores së Universitetit "Ismail Qemali" Vlorë, neni 60. Shkalla e përvetësimit të programit mësimor vlerësohet me sistemin prej dhjetë notash 1,2,3,4,5,6,7,8,9,10. Nota më e ulët kaluese është

nota 5 (pesë). Në procesverbalet e vlerësimit përfundimtar për studentin jo kalues (ngelës) vendoset nota 4 (katër). Në të gjitha format e kontrollit të dijes përdoret sistemi i vlerësimit me pikë, rezultati i të cilit, detyrimisht kthehet në notë.

Neni 11

Administrimi i dokumentacionit të provimeve

1. Në fund të çdo provimi, testet dhe çdo material i provimit dorëzohet në sekretarinë e Departamentit të Kimisë, mbyllet në një zarf mbi të cilin të jenë shkruar të gjitha të dhënat e nevojshme dhe firmosen nga lektori.
2. Zarfet me testet e provimeve të arkivuara në sekretarinë e departamentit, mund të hapen dhe të kontrollohen vetëm në rast ankimi ose shihet e arsyeshme nga autoritetet drejtuese. Këto materiale ruhen deri në fund të provimeve të semestrit pasardhës e më pas ato digjen.
3. Ndalohet hyrja në provim e personave të jashtëm, me përjashtim të përgjegjësit të Departamentit të Kimisë, autoriteteve drejtuese të Fakultetit e personave të tjerë të autorizuar me shkrim nga Dekani ose Rektori për të kryer kontroll.
4. Departamenti i Kimisë mund të propozojë ndërtimin e një Komisioni për mbikqyrjen e procesit të provimeve.

Neni 12

Ankimi për rezultatin përfundimtar

1. Bazuar në nenin 62, të Rregullores së Universitetit "Ismail Qemali" Vlorë, studenti ka të drejtë të ankohet për rezultatin përfundimtar të provimit. Ankesa i paraqitet me shkrim Drejtuesit të Departamentit të Kimisë brenda 48 orëve nga marrja në dijeni e rezultatit të provimit, i cili bën verifikimet e duhura dhe kur e gjen të pamundur zgjidhjen e ankesës, vë menjëherë në dijeni Dekanin.
2. Dekani, brenda 48 orësh nga marrja dijeni për ankesën nga Drejtuesi i Departamentit, ngre një komision ad-hoc i cili bën verifikimin e pretendimeve të studentit. Me miratim të Dekanit, komisioni përcakton vlerësimin përfundimtar të provimit.
3. Ndryshimet në rezultatet e studentëve pasqyrohen në procesverbalin e ri të firmosur nga komisioni i cili i bashkëlidhet procesverbalit të mëparshëm dhe në Sistemin e Menaxhimit të Informacionit Univlora (SMI-Univlora).

Neni 13

Përmirësimi i notës

Bazuar në nenin 63, të Rregullores së Universitetit "Ismail Qemali" Vlorë.

1. Studentët e ciklit të parë kanë të drejtë të përmirësojnë notën në çdo lëndë, por jo më shumë se katër përmirësime gjatë gjithë periudhës së studimeve dhe jo më shumë se dy përmirësime në një vit akademik.
2. Përmirësimet e notës bëhen vetëm në semestrin e verës, sezonin e riprovimeve të dimrit si dhe në datat e përcaktuara nga Dekani i Fakultetit para mbrojtjes së diplomës, kundrejt një tarife të miratuar. Është detyra e tij të regjistrohet në kurset që do të përmirësojë notën, pasi më parë ka bërë kërkesën në sekretarinë e departamentit, e cila e përcjell informacionin tek Drejtoria e IT-së për të mundur aksesin e studentit në regjistrimin e kursit. Kërkesa bëhet të pakten 10 ditë para fillimit të semestrit të verës, sezonit të riprovimeve të dimrit dhe mbrojtjes së diplomës.
3. Studenti ka të drejtë të kërkojë përmirësimin e notës së një lënde jo më shumë se një herë.
4. Studentët duhet të jenë në dijeni se mbetet në fuqi nota e përsëritjes së fundit, e cila do të pasqyrohet në transkriptin e notave që tregon ecurinë akademike të studentit, pavarësisht nëse kjo është nota më e lartë apo jo.
5. Nëse nota e përsëritjes së fundit është 4 (katër) rregullat akademike për shlyerjen e detyrimeve nuk ndryshojnë.
6. Në listën e notave që shoqërojnë diplomën do të pasqyrohen vetëm notat përfundimare kaluese (5, 6, 7, 8, 9, 10).

Neni 14 Diplomimi

Bazuar në nenin 65, të Rregullores së Universitetit "Ismail Qemali" Vlorë.

1. Në përfundim të kursit të plotë të studimeve “Bachelor” në “Kimi”, studentët kanë të drejtë të diplomohen. Kërkesat e diplomimit janë paraqitur në kurrikulat e programit të studimit “Bachelor në Kimi”.
2. Sekretaria mësimore e Departamentit të Kimisë është e detyruar t’i përcjellë me shkresë të veçantë Drejtuesit të Departamentit dhe Dekanit të Fakultetit listën e studentëve që kanë plotësuar detyrimet e një program studimi dhe cdo detyrim tjetër financiar të cilët kanë të drejtën e dhënies së diplomës. Sekretaria mësimore mban përgjegjësi për saktësinë e të dhënave.
3. Drejtuesi i Departamentit të Kimisë pas marrjes së listës së studentëve ngrë një komision ad-hoc, i cili verifikon nëse këta studentë kanë plotësuar detyrimet e programit të studimit. Pas verifikimit lista e studentëve që kanë të drejtën e mbrojtjes së tezës së diplomës, e firmosur nga anëtarët e komisionit, i përcillet përgjegjësit të departamentit.
4. Në përfundim të programit të studimeve të ciklit të parë, për fitimin e diplomës parashikohet një provim formimi (me shkrim, me gojë ose i kombinuar) ose përgatitja e një teme diplome në varësi të notës mesatare të studentit deri në përfundim të semestrit të parafundit.
5. Në përfundim të procesit të diplomimit student vlerësohet me notë.

6. Drejtuesi i Departamentit i përcjellë Dekanit të Fakultetit listën e studentëve të diplomuar. Dekani nëpërmjet një shkrese ia përcjellë këte listë Zyrës së Regjistrimit për të përgatitur diplomat përkatëse.
7. Në raste të veçanta kur studentët pengohen për t'u diplomuar vetëm për një lëndë të cilën e kanë frekuentuar dhe kanë vlerësimin me notën 4 (katër) ose shënimin "NP", Dekani i Fakultetit përkatës cakton data të posaçme për këto provime, përpara datës së përcaktuar për mbrojtjen e tezës së diplomës.
8. Diplomimi në këtë program studimi të ciklit të parë bëhet gjatë gjithë vitit akademik, datat dhe afatet përcaktohen nga Dekani i Fakultetit, duke mos krijuar pengesa në kohë për studentët që diplomohen.
9. Kandidati që vlerësohet negativisht në mbrojtjen e diplomës, ka të drejtë të riparaqitet për mbrojtje në një datë të caktuar nga Dekani i Fakultetit në semestrin pasardhës.

Neni 15

Procedura e provimit të diplomës

1. Bazuar në Vendimin e Senatit Akademik nr. 9, datë 26.01.2017, në shkresën nr. 532/1 Prot., datë 10.04.2017, të Rektorit të Universitetit "Ismail Qemali" Vlorë, provimi i diplomimit të studentëve të Ciklit të Parë të studimeve Bachelor në Kimi të cilët nuk plotësojnë kriterin e notës mesatare 9.00(nëntë), do të zhvillohet me gojë.
2. Pyetjet për ciklin e parë të studimeve "Bachelor" në "Kimi" do të jenë nga lëndët me kodin KIM, përvec atyre me zgjedhje, të planit mësimor të diplomës "Bachelor" në "Kimi".
3. Për çdo lëndë do të zgjidhen 10 -15 pyetje nga grupi i pedagogëve që e zhvillon këtë lëndë.
4. Programi i diplomimit me temat mësimore do t'u vihet në dispozicion studentëve të paktën 2 muaj para provimit të diplomimit, sipas mënyrës së parashikuar në Rregulloren e Universitetit "Ismail Qemali" Vllorë, për dhënien e informacionit.
5. Tezat do të përgatiten ditën e provimit nga Komisioni i Provimit dhe do të firmosen nga Drejtuesi i Departamentit të Kimisë.
6. Studenti ka të drejtë ta ndërrojë tezën deri në dy herë dhe për cdo ndërrim teze do t'i ulen dy nota.
7. Studentit do t'i jepet mundësia të përgatitet për tezën përkatëse për 20 minuta, dhe pas këtij afati të lënë në dispozicion të tij, studentit do të përgjigjet me gojë për pyetjet që përmban teza.
8. Komisioni i Provimit të Diplomës përbëhet nga tre deri pesë anëtarë.
9. Cdo anëtar i komisionit jep vlerësimin përkatës për cdo student, dhe vlerësimi final i studentit do të jetë mesatarja e thjeshtë aritmetike e vlerësimeve të anëtarëve të Komisionit të Provimit të Diplomës.
10. Të gjitha procedurat e tjera të diplomimit do të zhvillohen sipas rregullores së Universitetit " Ismail Qemali" Vlorë dhe rregullores së Departamentit të Kimisë.

Neni 16

Mbrojtja e diplomës me Temë

1. Studentët që arrijnë mesataren e përcaktuar me vendim SA mund të diplomohen duke mbrojtur një temë diplome.
2. Drejtuesi i departamentit pas diskutoimit të temave me anëtarët e stafit, zbardh vendimin për temat e përcaktuara dhe i dorëzon temat në sekretarinë mësimore.
3. Studentët mund të zgjedhin një nga temat e përcaktuara në listën paraprake dhe të kontaktojnë me udhëheqësit shkencorë përkatës.
4. Kanë të drejtë të udhëheqin temë diplomënë ciklin e parë të studimeve pedagogët që kanë minimalisht diplomën Master të Shkencave.
5. Elementët e përgjithshëm të formatimit të temës së diplomës janë përcaktuar në rregulloren e diplomimit të FSHT.
6. Minimumi i zhvillimit të tezës së diplomës në ciklin e parë të studimeve është studimi i literaturës (review) mbi një tematikë të caktuar shkencore të programit akademik të ndjekur.
7. Përpara mbrojtjes së diplomës studenti duhet të dorëzojë në sekretari: 3 kopje të temës së diplomës së shtypur dhe 1 kopje në CD
8. Drejtuesi i departamentit ngre Komisionin e Diplomës 3-5 vetë dhe e dërgon për miratim tek Dekani i FSHT.
9. Tema e diplomës i jepet oponentit për të vlerësuar origjinalitetin (plagjiaturën) dhe vlerat shkencore të punimit të diplomës.
10. Rregullat e prezantimit të temës së diplomës
 - Mbrojtja e temës së diplomës bëhet e hapur.
 - Fillimisht studenti bën paraqitje të përmbledhjes së punimit të diplomës me prezantim Powerpoint prej jo më shumë se 30 minutash.
 - Oponeti lexon vlerësimin e tij.
 - Komisioni bën pyetje për standartet metodologjike dhe shkencore të punimit.
 - Në përfundim anëtarët e komisionit të diplomës bëjnë vlerësim individual me pikë, nga të cilat nxirret një mesatare aritmetike dhe vendoset nota e diplomës.
11. Kryetari i Komisionit të Diplomës harton procesverbalin e vlerësimit të temës së diplomës dhe pas firmosjes nga gjithë anëtarët e komisionit e dorëzon atë në sekretari

Neni 17

Pajisja me diplomë

Bazuar në nenin 66, të Rregullores së Universitetit "Ismail Qemali" Vlorë.

1. Studentët që kanë plotësuar detyrimet e një programi studimi dhe çdo detyrim tjetër financiar dhe material kundrejt universitetit pajisen me diplomë e cila është një dokument zyrtar.

2. Diplomat e Programit të Ciklit të Parë të studimeve Bachelor në “Kimi” shoqërohet me listën e Notave (në listën e notave që shoqërojnë diplomën pasqyrohen vetëm notat përfundimtare kaluese ≥ 5 të çdo lënde) dhe me suplementin e diplomës. Suplementi i Diplomës hartohet në përputhje me kërkesat e hapësirës Europiane të arsimit të lartë. Ai përshkruan në veçanti, natyrën, nivelin, përmbajtjen, rezultatet e studimeve që janë kryer dhe përfunduar me sukses nga mbajtësi i diplomës.
3. Përmbajtja dhe forma e diplomës është e përcaktuar në udhëzimet e Ministrisë së Arsimit dhe Sportit. Diploma nënshkruhet prej Dekanit të Fakultetit të Shkencave Teknike dhe Rektorit të Universitetit "Ismail Qemali" Vlorë. Për secilin prej tyre shënohet emri, mbiemri, grada dhe titulli shkencor. Nënshkrimi i Rektorit shoqërohet me vulën e Universitetit "Ismail Qemali" Vlorë.
4. Për këtë program të ciklit të parë të studimeve lëshohet diploma: Diplomë Bachelor në Kimi.

Neni 18 **Tërheqja e diplomës**

Bazuar në nenin 67, të Rregullores së Universitetit "Ismail Qemali" Vlorë.

1. Tërheqja e diplomës bëhet personalisht nga i diplomuari, kundrejt nënshkrimit dhe evidentohet në regjistrin përkatës.
2. Nëse prania e të diplomuarit është objektivisht e pamundur, tërheqjen e diplomës mund t'a bëjë një nga pjesëtarët e familjes, i pajisur me prokurë të posaçme e cila bashkëngjitet në regjistrin e tërheqjes së diplomave, duke paraqitur dhe një dokument identifikimi të tij.
3. Nëse diploma nuk është plotësuar në rregull, i interesuari duhet të mos e tërheq atë dhe të kërkojë pajisjen me diplomë të rregullt. Nëse i interesuari e tërheq diplomën e parregullt, në rast se i humbet origjinali ose i dëmtohet duke iu bërë i papërdorshëm, universiteti nuk lëshon dublikatë. Lejohet vetëm dhënia e listës së notave të fituara dhe vërtetim me fotografi i cili është ekuivalent me diplomën, pasi nënshkruhet nga Rektori i Universitetit, Dekani dhe përgjegjësi i zyrës së regjistrimit. Nënshkrimet e tyre vërtetohen me vulën e Universitetit "Ismail Qemali" Vlorë. Diploma e plotësuar në mënyrë të parregullt, asgjësohet me një komision të përbërë prej tre anëtarësh të caktuar me urdhër të Dekanit me hartimin e procesverbalit përkatës, i cili depozitohet në zyrën e regjistrimit, përpara se i interesuari të pajiset me vërtetim me fotografi ekuivalent me diplomën.
4. Nëse një shtetas i diplomuar në Universitetin "Ismail Qemali" Vlorë rezulton me dy dokumente diplomimi, diplomë origjinale dhe vërtetim me fotografi ekuivalent me diplomën, do të quhet i vlefshëm dokumenti i lëshuar në datën më të vonë.
5. Në Universitetin "Ismail Qemali" Vlorë, dorëzimi i diplomave bëhet me ceremoni të përgjithshme për të gjithë fakultetet në shkallë universiteti dhe dorëzimi i diplomave bëhet personalisht nga Rektori, në prani të përfaqësuesve të Senatit Akademik, të profesoratit, administratës dhe studentëve.

KREU IV

TE DREJTAT DHE DETYRIMET E STUDENTEVE

Neni 19

Te drejtat e studenteve

Të drejtat dhe obligimet e studentëve janë të parashikuara në nenin 70 të Rregullores së UV, 2014, ndërsa shkeljet disiplinore nga studentët parashikohen në nenin 74 të po kësaj rregulloreje.

Studenti ka të drejtë:

1. Të ndjekë leksione, seminare dhe të gjitha veprimtaritë e tjera mësimore, të organizuara në përputhje me statusin e tij.
2. Të përdorë pajisjet, bazën materiale dhe laboratorike të universitetit sipas rregullave përkatëse, për të realizuar programin mësimor dhe punën e programuar në aktivitetin e tij shkencor, bibliotekën dhe mjediset sportive e kulturore të universitetit.
3. Të zgjedhë dhe të zgjidhet në organet drejtuese, si në Senatin Akademik, në Bordin e Administrimit, ku janë të regjistruar, në përputhje me ligjin për arsimin e lartë dhe Statutin e Universitetit.
4. Të organizohet në shoqata të ndryshme jopolitike në përputhje me aktet ligjore e nënligjore përkatëse.
5. Të përfitojë bursë studimi brenda ose jashtë shtetit kur plotëson kushtet e përcaktuara me vendim të Këshillit të Ministrave, Senatit e në marrëveshjet ndërshtetërore ose ndëruniversitare.
6. Të përfitojë shpërblime të veçanta që akordohen nga Universiteti "Ismail Qemali" Vlorë sipas ligjit dhe kriterëve të caktuara nga Senati Akademik.
7. Të shprehë opinionin e tij për cilësinë e mësimdhënies dhe punën e personelit akademik të universitetit
8. Të ankohet për shkelje të rregullave dhe standarteve akademike nga ana e pedagogëve, mosrealizimin e procesit të mësimdhënies, rregullat për zhvillimin e provimit dhe për vlerësimin e tij të pa merituar.
9. Të ankohet për shkelje të etikës akademike, të konfliktit të interesit dhe të çdo rasti tjetër që çënon integritetin e studentit.
10. Të ndjekë studimet në një degë të dytë, në sistem të ndryshëm nga ai që ndjek, sipas përcaktimeve në këtë rregullore, në vendimet e Senatit apo në aktet e posaçme të Ministrisë së Arsimit dhe të Sportit.

Të drejta të tjera të studenteve janë përcaktuar në Ligjin Nr. 80/2015 “Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”, në Statutin (2019) dhe në Rregulloren (2014) të UV.

Neni 20

Detyrimet e studentëve

Studenti është i detyruar:

1. Të njohë me hollësi Statutin, Rregulloren e Universitetit dhe çdo Rregullore tjetër e detyrimet që lindin për të dhe të jetë i vetëdijshëm për zbatimin e tyre, në të kundërt, universiteti nuk mban përgjegjësi për pasojat që mund të rrjedhin nga mosnjohja e tyre.
2. Të njohin të gjitha kërkesat e përgjithshme të universitetit, si dhe kërkesat specifike të programit në fushën që ata kanë zgjedhur. Studentët janë përgjegjës për t'iu përgjigjur të gjitha kërkesave dhe rregulloreve përkatëse në bazë të diplomave që ata synojnë;
3. Të zbatojë të gjitha rregullat që rrjedhin nga Statuti i Universitetit "Ismail Qemali" të Vlorës, nga kjo rregullore dhe nga çdo akt tjetër ligjor e nënligjor për arsimin e lartë.
4. Të respektojë Kodin e Etikës së universitetit.
5. Të shlyejë detyrimet e përcaktuara në programin e studimit si dhe çdo detyrim tjetër financiar dhe material ndaj universitetit.
6. Të shlyejë të gjitha detyrimet financiare të parashikuara në ligj.
7. Të mbajë përgjegjësi për shkeljet e rregullave të universitetit nga ana e tij; dëmet materiale që ai mund të ketë bërë zhdëmtohen në masën e përlogaritur.

Detyra apo përgjegjësi të tjera të studentëve janë përcaktuar në Ligjin Nr. 80/2015 “Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”, në Statutin (2019) dhe në Rregulloren (2014) të UV.

Neni 21

Përgjegjësi të tjera të studentëve

Përgjegjësitë e studentit përfshijnë ndër të tjera edhe pikat më poshtë:

- a. Studenti duhet të njohë dhe të respektojë rregullat e zhvillimit të orës së mësimin të përcaktuara në syllabus dhe të komunikuar në auditor nga pedagogu.
- b. Studenti duhet t'i drejtojë ankesat akademike në lidhje me zhvillimin e procesit mësimor tek autoritetet drejtuese.
- c. Studenti duhet të respektojë oraret e konsultimeve të komunikuar nga pedagogu.

Neni 22

Masat disiplinore për studentët

Shkelje e rregullave të universitetit konsiderohen të gjitha veprimet e kryera nga ana e studentit që çenojnë personalitetin e personelit akademik, të çdo punonjësi tjetër të universitetit dhe cdo studentit, normat etiko-morale të shoqërisë si kopjimi në provime, falsifikimi i dokumentave të ndryshme, fyerjet, sharjet, aktet e rrugaçërisë, të vjedhjes etj., kur këto veprime nuk bartin elementë të veprës penale. Ndaj studentit që kryen këto veprime, merren këto masa disiplinore:

- a. Vërejtje me shkrim;
- b. Paralajmerim për pezullim ose përjashtim nga universiteti;

- c. Pezullimin nga universiteti për një semester ose një vit;
- d. Përrjashtim nga universiteti "Ismail Qemali" Vlorë;
- e. Përrjashtim përrgjithmonë nga Universiteti "Ismail Qemali" Vlorë.

Vendimin për "Vërrjtje me shkrim", "Paralajmërrim për pezullim ose përrjashtim nga universiteti" dhe "Pezullim nga universiteti për një semester ose një vit" e merr dekanati përrkatës. Në raste të veçanta të parashikuara në Kodin e Etikës këto vendime mund të merren nga Rektorati.

Vendimin për "Përrjashtimin nga Universiteti "Ismail Qemali" Vlorë" (heqje vetëm e së drejtës së studimit të filluar) dhe "Përrjashtimin përrgjithmonë nga Universiteti "Ismail Qemali" Vlorë (duke mos i lejuar të fitojë të drejta studimi të mëpasshme) e merr Rektorati i Universitetit "Ismail Qemali" Vlorë, mbi bazën e propozimit të dekanatit.

Studenti konsiderohet i rehabilituar, nëse nuk bën shkelje tjetër me kalimin e tre muajve për vërrjtjen, brenda gjashtë muajve për paralajmërrimin dhe një viti për pezullimin.

KREU V KOMUNIKIMI

Neni 23 Rregullat e sjelljes akademike

Të gjithë anëtarët e komunitetit akademik në Universitetin "Ismail Qemali" Vlorë duhet të praktikojnë dhe të ruajnë standartet e integritetit akademik dhe ndershmërisë. Integritet akademik do të thotë të paraqesësh vetveten dhe punën tënde me ndershmëri. Më poshtë janë disa shembuj pandershmërie akademike:

1. Mashtrim në provime. Këtu përrfshihet: përrdorimi i materialeve si libra dhe/ose shënime në formë të printuar apo elektronike kur një gjë e tillë nuk është e autorizuar nga pedagogu, kopjimi nga testimi apo detyra e dikujt tjetër, lejjimi i dikujt tjetër për të kopjuar punën tënde, zëvendësimi i punës tënde me punën e dikujt tjetër, ose të tjera forma shkeljesh në sjellje gjatë provimeve.
2. Plagjiaturë e punës së të tjerëve. Plagjiaturë do të thotë të përrdorësh punën ose idetë e dikujt tjetër duke i konsideruar ato të veta.
3. Falsifikimi i dokumentave apo paraqitja dizinformuese e kredencialeve të një personi është shkelje.

Pedagogët duhet të respektojnë standartet e mëposhtme në kontekstin e sjelljes akademike:

1. Të informojnë dhe të udhëzojnë studentët mbi procedurat dhe standartet e punës kërkimore, si dhe mbi dokumentacionin e kërkuar për të kryer detyra në një kurs të caktuar apo në kontekstin e një disipline të caktuar.
2. Të ndër marrin hapa konkretë për të dalluar dhe parandaluar mashtrimin.
3. Të raportojnë sjelljen akademike të dyshuar jo etike tek dekani.

4. Të paraqesin evidencë të plagjiaturës, të mashtrimit në provime apo raporte laboratorit, të fallsifikimeve të dokumentave apo të tjera forma sjelljeje të pandershme akademike në autoritetet drejtuese përkatëse.

Studentët duhet të respektojnë standardet e mëposhtme në kontekstin e sjelljes akademike:

1. Të jenë në dijeni të praktikave dhe standardeve të shkollimit të ndershëm.
2. Të ndjekin udhëzimet e pedagogëve në lidhje me provimet dhe detyrat në mënyrë që të evitojnë një paraqitje të keqe të punës.
3. Të jenë të sigurt që rregulla të veçanta në lidhje me dokumentimin e detyrave të kursit, të procedurave të provimit, të përdorimit të informacioneve e programeve kompjuterike, etj., janë kuptuar qartë.
4. Të evitojnë aparencën e mashtrimit (të lënit përshtypje sikur po mashtrojnë). Nëse studentët janë të bindur që praktikat e përdorura nga pedagogu janë të favorshme ndaj mashtrimit, ata mund t'ia përcjellin këtë mesazh Drejtuesit të Departamentit të Kimisë, Dekanit ose t'i drejtohen me ankese të drejtëpërdrejtë Rektorit. Raste të tilla do të gjykohen dhe vlerësohen sipas rregulloreve në fuqi.

Neni 24

Normat etike gjatë komunikimit Personel Akademik – Student

Gjatë veprimtarisë së mësimdhënies shpesh vihen re problematika rreth koordinimit të punës së stafit me studentët. Për këtë qëllim kjo Rregullore sugjeron të ndiqen disa udhëzime praktike të miratuara si më poshtë:

1. Studenti është i detyruar të zbatojë e respektojë Kodin e Etikës të miratuar në UV.
2. Kontakti i pedagogut me studentin për aspekte të mësimdhënies apo kërkimit shkencor do të bëhet vetëm në ambientet e auditoreve, laboratoreve dhe në asnjë rast jashtë tij.
3. Komunikimi me studentin mund të bëhet në rrugë elektronike në adresën e pedagogut e cila është regjistruar më parë në departament.
4. Justifikimet nga ana e studentëve tek pedagogu për mungesat gjatë vitit pranohen vetëm pas dorëzimit të raporteve të marrë nga komisione të posacëm.
5. Në rast të vonesave të pedagogut në auditor studentit duhet të presë disa minuta dhe nëse pedagogu nuk ka njoftuar paraprakisht ai mund të largohet.
6. Në auditor, laboratorë si dhe gjatë provimit nuk lejohet përdorimi i mjeteve të komunikimit.
7. Në ditën e provimit studentit respekton me përpikmëri datën, vendin (sallën) e provimit, si dhe siguron mjetet e nevojshme (stilolaps, makinë llogaritëse, mjet identifikimi).
8. Në ambjentet e provimit nuk lejohet prania e familjarëve të studentit përveçse personave të autorizuar nga ana e Drejtuesit të Departamentit (pedagogë, sekretare).
9. Pedagogu ju'a komunikon notën studentëve duke respektuar konfidencialitetin (në mungesë të sistemit) ose bën verifikime të vlerësimit në një orar e sallë të caktuar.

Për komunikime të pedagogut me studentët që kanë tema diplome hartohet një grafik i konsultimit në një sallë e ditë të caktuar javore.

Neni 25

Çështje akademike

Çdo njësi akademike duhet të respektojë procedurat për zgjidhjen e ankesave, në lidhje me vlerësimin, standartin dhe cilësinë e mësimdhënies, situatat brenda në auditor dhe çdo problem tjetër akademik. Për rastet e ankesave në lidhje me vlerësimin, ndiqet ajo procedurë e përcaktuar në nenin 62 të rregullores së UV.

Neni 26

Çështje jo akademike

Personeli i universitetit dhe studentët mund të hasin situata problematike gjatë kohës së punës apo të studimeve në universitetin "Ismail Qemali" Vlorë në të cilat mund të përfshihen rastet e fyerjeve, sharjeve, konfrontimeve fizike. Qëndrimi diskriminues apo ngacmimi seksual, sharjet apo fyerjet raciste, sharjet për orientimin seksual, për ngjyrën, fenë, bindjet, origjinën kombëtare apo prejardhjen, gjendjen martesore, gjendjen familjare etj., kërkojnë vëmendje të veçantë në zgjidhjen e tyre.

KREU VI

DISPOZITA KALIMTARE DHE TË FUNDIT

Neni 27

Rishikimi dhe përditësimi

Çdo çështje që lind nga zbatimi i kësaj rregulloreje dhe nuk mbulohet prej saj, rregullohet me Rregulloren e Brendshme të Universitetit. Në rast se edhe kjo e fundit nuk e mbulon, atëherë Departamenti i Kimisë i propozon Rektorit dhe Senatit Akademik propozimin përkatës për miratim.

Asambleja e Departamentit të Kimisë ka të drejtën dhe detyrimin e rishikimit periodik të kësaj rregulloreje, dhe përcjelljen për miratim në Senatin Akademik.

KREU VII

SHTOJCA E RREGULLORES

SHTOJCA 1. Pyetësi i studentëve për vlerësimin e performancës së pedagogëve

SHTOJCA 2. Pyetësi për vlerësimin e programeve mësimore

**SHTOJCA 1. PYETËSORI I STUDENTËVE PËR VLERËSIMIN E PERFORMANCËS SË
PEDAGOGËVE**

SEZONI: Vjeshtë 201x
LËNDA: KIM _____
DREJTUESI I DEPARTAMENTIT: _____
PEDAGOGU: _____

I NDERUAR STUDENT!

Ky është një pyetësor që bëhet për të vlerësuar performancën e pedagogëve tuaj.
 Nuk duhet të shënoni emrin tuaj në këtë pyetësor!
 Përgjigjet tuaja do të qëndrojnë anonime dhe askush nuk do të mund t'ju identifikojë.
 Ju lutem, sigurohuni që i keni lexuar të gjitha pyetjet dhe PËRGJIGJUNI ME SINQERITET!

Vendosni X tek kutia e përgjigjes që mendoni më të drejtë!

Notat	5-6	7-8	9-10
Mesatarja e notave të mia deri tani është:			
Këtë lëndë mendoj se do ta nxjerrë:			

		Aspak dakort	Pjesërisht dakort	Plotësisht dakort	Nuk e di
1.	Syllabysi i lëndës është i kuptueshëm				
2.	Përmbajtja dhe organizimi i lëndës dhe i provimeve janë shpjeguar nga pedagogu që ditën e parë të semestrit				
3.	Literatura që ka vënë në dispozicion pedagogu (libri ose cikli i leksioneve) është e mjaftueshme dhe e kuptueshme.				
4.	Shpjegimi i pedagogut në leksion është i kuptueshëm dhe i mjaftueshëm				
5.	Shpjegimi i pedagogut është interesant				
6.	Kjo lëndë ka rritur ndjeshëm nivelin e njohurive të mia në këtë fushë				
7.	Pedagogu u përgjigjet qartë pyetjeve gjatë leksionit.				
8.	Pedagogu ka qënë i disponueshëm për t'iu përgjigjur pyetjeve të studentëve me anë të e-mail ose në zyrë				
9.	Pyetjet e tezës së provimit ishin brenda leksioneve të shpjeguara nga pedagogu				
10.	Pedagogu është i drejtë në vlerësimin e provimeve				
11.	Pedagogu është transparent dhe sqaron për rezultatet e provimeve (vë tezën në dispozicion dhe shpjegon pikët që ka vënë).				
12.	Komunikimi i pedagogut me studentët është etik, bashkëpunues dhe profesional gjatë gjithë kohës				
13.	Pedagogu është me integritet				
14.	Pedagogu ka paraqitje të përshtatshme gjatë orës së mësimi				
15.	Dëshiroj të bëj edhe lëndë të tjera me këtë pedagog				
16.	Shkruani opinionin tuaj, nëse e mendoni të nevojshëm: _____				

SHTOJCA 2. PYETËSORI PËR VLERËSIMIN E PROGRAMEVE MËSIMORE

PYETËSOR PËR VLERËSIMIN E PROGRAMEVE MËSIMORE QË OFRON DEP. KIMI

SEZONI:

Vjeshtë 20xx

PROGRAMI MËSIMOR:

DREJTUESI I DEPARTAMENTIT:

I NDERUAR STUDENT ____ / PEDAGOG _____ !

Ky është një pyetësor që bëhet për të vlerësuar programin mësimor që jeni duke ndjekur.

Me këtë pyetësor nuk vlerësohen pedagogët. Vlerësohet përmbajtja e lëndëve që ju bëni, dhe sa u shërbejnë ato për tu formuar si kimist.

Nuk duhet të shënoni emrin tuaj në këtë pyetësor!

Përgjigjet tuaja do të qëndrojnë anonime dhe askush nuk do të mund t'ju identifikojë.

Ju lutem, sigurohuni që i keni lexuar të gjitha pyetjet dhe **PËRGJIGJUNI ME SINQERITET!**

Vendosni X tek kutia e përgjigjes që mendoni më të drejtë!

		Aspak dakort	Pjesërisht dakort	Plotësisht dakort	Nuk e di
1.	Programi teorik i ofruar (temat e leksioneve), a i përshtatet formimit tuaj profesional?				
2.	Mendoni se temat mësimore të ofruara nga programi mësimor kanë rritur ndjeshëm njohuritë e studentëve?				
3.	Mendoni se temat mësimore të ofruara nga programi mësimor do t'ju hyjnë në punë gjatë ushtrimit të profesionit?				
4.	Mendoni se duhen orë për praktikë mësimore?				
5.	Mendoni se duhen orë për praktikë profesionale?				
6.	Mendoni se orët e laboratorëve janë të mjaftueshme për praktikimin e teknikave laboratorike?				
7.	Mendoni se orët e seminareve janë të mjaftueshme për diskutimin e plotë të njohurive të marra në leksione?				
8.	Çfarë mendoni se do mund të bëhet më shumë gjatë orëve të laboratorit?				
9.	Mendoni se librat e përdorur janë të mjaftueshëm (të standarteve bashkëkohore) për të përvetësuar njohuritë?				
10.	Çfarë modulesh mendoni se t'ju duhen më shumë kur të ushtroni profesionin?				
11.	Mendoj se pas diplomimit në këtë program studimi do të kem mundësi të larta punësimi (brenda apo jashtë vendit)				
12.	Shkruani opinionin tuaj për lëndët me zgjedhje _____				
13.	Shkruani opinionin tuaj për lëndet e detyruara _____				
14.	Çfarë mendoni se duhet të ndryshojë në programin mësimor që po ndiqni? _____				
15.	Shkruani sugjerimet tuaja, nëse i mendoni të nevojshme: _____				